

## Morning Dogri (NSD) Bulletin 13-03-2026

### आकाशवाणी

खबरां श्रुति खजुरिया कोला

1. प्रधानमंत्री नरेंद्र मोदी होरें ईरान दे राष्ट्रपति मसूद पेजेशिकयन हुंदे कन्नै गल्ल कीती।
2. ईरान दे सबनें थमां बड्डे नेता अयातुल्ला मोजतबा खामेनेई होरें आखेआ ऐ जे ओहू खाड़ी दे अरब मुल्ले पर हमले जारी रक्खडन।
3. प्रधानमंत्री नरेंद्र मोदी होर अज्ज गुहाटी थमां प्रधानमंत्री किसान सम्मान निधि योजना दी 22मीं किशत जारी करडन।
4. लोकसभा च अज्ज 2025-26 दे दुए गेड दी जिमनी अनुदान मंगें पर चर्चा होगा।
5. समिट अंतल नै विश्व पैरा एथलेटिक्स ग्रैंड प्री-2026 च नेजा सुट्टने आहले मुकाबले च सुन्ने दा तगमा हासल कीता।
6. ते हैदराबाद च चला'रदे क्वालीफाइंग प्रतियोगिता दे सेमीफाइनल च पुज्जिए भारत नै एफ.आई.एच हॉकी महिला विश्व कप च अपनी थाह पक्की करी लैती ऐ।

<><><><><><>

### PM-Iran Talk

प्रधानमंत्री नरेंद्र मोदी होरें ईरान दे राष्ट्रपति मसूद पेजेशिकयन हुंदे कन्नै गल्लबात कीती ते पच्छिम एशिया दी गंभीर स्थिति पर चर्चा कीती। सोशल मीडिया दी इक पोस्ट च मोदी होरें

आखेआ जे उनें तनाऽ बदने ते नागरिके दी मौत होने ते नागरि ढांचे गी पुज्जे दे नुकसान पर हूंगी चिंता जाहिर कीती ऐ। प्रधानमंत्री होरें आखेआ जे भारती नागरिकें दी सुरक्षा ते बस्तु ते उर्जा दी विजन रूकावट आवाजाई दी जरूरत भारत दी बड़ी मती ते उच्च सतह आहली तरजीह बनी दी ऐ। उनें शांति ते स्थिरता लेई ईरान दी बचनबद्धता जाहिर कीती ते संवाद ते राजनयिक रस्ते राएं हल दा आग्रह कीता।

<><><><><><>

### Mojtaba-Attack

ईरान दे सबनें थमां बड़े नेता अयातुल्ला मोजतबा खामेनेई होरें आखेआ ऐ जे ओह खाड़ी दे अरब मुल्खें पर हमले जारी रक्खड-न। उनें रणनीतिक होमुर्ज जल डमरू मध्य गी असरदार ठंगै कन्नै बंद करिए अमरीका ते इजराइल पर दबा बनाने दा धेइया कीता ऐ। मुल्ख दे सर्वोच्च नेता चुने जाने मगरा एहू उंदा पैहला ब्यान हा। सरकारी टेलीविजन पर दित्ते गेदे बयान च उनें लड़ाई च मारे गेदे लोकें दा बदला लैने दा वायदा कीता। इस बयानै करी युद्ध जारी रखने दी उंदी मर्जी दी सारत थ्होंदी ऐ।

<><><><><><>

### PM-Kisan

प्रधानमंत्री नरेंद्र मोदी होर अज्ज असम च गुवाहाटी थमां प्रधानमंत्री किसान सम्मान निधि दी 22मीं किश्त जारी करड-न। राईबाई ते करसान कल्याण मंत्री शिवराज सिंह चौहान होरें दस्सेआ जे प्रधानमंत्री करीब 9 करोड़ 32 लक्ख करसानें दे बैंक खातें च प्रतक्ख लाहू अंतरण राएं 18 ज्हार 640 करोड़ रपे जारी करड-न। उनें आखेआ जे हुनै तगर इस योजना तैहत 4 लक्ख 9 ज्हार करोड़ रपे थमां मती दी राशि पैहले गै दित्ती जाई चुकी दी ऐ। चौहान होरें

आखेआ जे इस किशत दे जारी होने कन्नै कुल राशि 4 लक्ख 27 ज्हार करोड रपे थमां मती होई जाहगा।

<><><><><><>

### PM-Assam

प्रधानमंत्री नरेंद्र मोदी अज्जै थमां दो दिन दे असम दौरे पर जा'रदे ना। इस दरान ओहू 47 ज्हार 800 करोड थमां मती दी लागत आहली केई सारी विकास परियोजनाएं दी राज्य च शुरूआत करडन। प्रधानमंत्री होर दिनें कोकराझार पुज्जंगन जित्थे ओहू भूमि पूजन करन ते केई सारी परियोजनां दा नीहू पत्थर रक्खन ते केइएं दी शुरूआत करडन। प्रधानमंत्री उत्थुआं त्रै नमी रेल गड्डिएं कामाख्या-चारापल्ली अमृत भारत एक्सप्रेस, गुहाटी न्यू जलपागुरनी एक्सप्रेस ते नारंगी अगरतला एक्सप्रेस गी झंडी दस्सिए रवाना करडन।

<><><><><><>

### PM-NXT Conclave

प्रधानमंत्री नरेंद्र मोदी होरें आखेआ ऐ जे पच्छिम एशिया च जारी उथल-पुथल दे बावजूद भारत वैश्विक सतह पर इक प्रतिष्ठित ते भरोसेमंद मुलख बने दा ऐ। नमीं दिल्ली च कल NXT सम्मेलन गी संबोधत करदे होई मोदी होरें आखेआ जे क्षेत्र च चुनौतीपूर्ण परिस्थितिएं दे बावजूद मुलख स्थिर ते मजबूत बने दा ऐ। उनें आखेआ जे सरकार पच्छिम एशिया च संघर्ष करी आपूर्ति श्रृंखलाएं च पैदा रूकावटें कन्नै निब्बडने आस्तै स्थिति पर नेडमी तक्क रक्खा'रदी ऐ। उनें उर्जा क्षेत्र करी सरबंधत चुनौतिएं दे हल आस्तै सरकार दी बचनबद्धता फही जाहिर

कीती ते आखेआ जे तेल उत्पादन गी बढ़ावा देने, उर्जा तगर पुज्ज बदाने ते इस क्षेत्र च आत्मनिर्भरता गी मजबूत करने दे जत्त कीते जा'रदे ना।



## West Asia Conflict

पच्छिम एशिया दे केई हिस्सें च प्छिले किश घंटे च ताजा हमले ते ब्हाई बाधा दिएं घटनाएं च तेजी आई ऐ। इजराइल दी सेना नै दस्सेआ ऐ जे ओदे ज्हाजें बसीज नीम फौजी बलें आसेआ संचालित जांच चौकिएं गी निशाना बनाइये तेहरान च हमले कीते ना। इजराइली डिफेंस फोर्सेस मूजब इनें हमलें च राजधानी च गतिविधिएं गी काबू करने आस्तै ईरानी सुरक्षाबलें आसेआ इस्तेमाल कीती जाने आह्लिएं शिडकंगी नुकसान पजाने पर ध्यान केंद्रित कीता गेआ। ईरान दे अधिकारिएं अजें तगर इनें हमलें च होए दे नुकसान दी व्यापक तस्दीक नेई कीता ऐ। मुख्क वैश्विक समुंद्री रस्ता होमुर्ज जल डमरू मध्य दे चौने भेठा मता तनाव बने दा ऐ।



## LS-Discussion

संसद च अज्ज 2026-26 दे दुए गोड़ दी जिमनी अनुदान मंगें पर अग्गे चर्चा होग ते ओह्दे पर मतदान होगा। खजाना मंत्री निर्मला सीतारमण होर चर्चा दा परता देडन। राज्यसभा च अज्ज बी ग्रामीण विकास मंत्रालय दे कम्मकाज पर चर्चा होग कल लोकसभा च पेट्रोलियम ते कुदरती गैस मंत्री हरदीप सिंह पुरी होरें पच्छिम एशिया च जारी संघर्श करी पैदा होई दी वैश्विक आपूर्ति च बाधा औने दे मुद्दे पर सरकार दे जत्तें दे बारै च बयान दित्तां उनें इस गल्ला पर जोर दित्ता जे भारत च कच्चे तेल दी स्थिति मजबूत ऐ।



## MDNIY-Yoga

मोरारजी देसाई राष्ट्रीय योग संस्थान- MDNIY अंतरराष्ट्रीय योग दिवस-2026 के 100 दिनों की पुष्टि गिनतरी शुरू होने पर अजय नर्मि दिल्ली में योग महोत्सव का आयोजन करेगा। आयुष मंत्री प्रताप राव जाधव इस कार्यक्रम में शामिल होंगे। मंत्रालय ने एहदें आस्तै 100 दिनों का कार्यक्रम तय कीता ऐ। इनें कार्यक्रमें में 100 संगठन 100 थाहें ते शैहरें में योग गी बढ़ावा देआ'रदे न। जाधव हों आखेआ जे संयुक्त राष्ट्र महासभानै 2014 में हर बरे 21 जून गी अंतरराष्ट्रीय योग दिवस मनाने का ऐतिहासिक फैसला लैता हा।



## Hideout-Busted

सुरक्षाबलें कल राजौरी जिले के एक दूर-दूरे जंगल आहले इलाके में आतंकवादियों के एक ठिकाने का पता लाइयै उसी नष्ट करी दित्ता ते उत्थुआं एक आई.ई.डी गी बरामद कीता। आकाशवाणी जम्मू के संवाददाता ने जानकारी दित्ती ऐ जे थन्नामंडी सब डिविजन के चमरेड जंगली इलाके में राष्ट्रीय राइफल्स के जवानें आसेआ चलाए गेदे तपाशी अभियान दरान इस ठिकाने का पता लगा ऐ। इस्तेमाल लेई तैयार आई.ई.डी के अलावा किश खाने-पीने आहिलियां चीजां ते कपडे बगैर बी इस ठिकाने थमां बरामद कीते गे न। हालांकि बरामदगी के सरबंध्यै में कुसै गी बी गिरफ्तार नैई कीता गेआ ऐ।



## Pak-Drone

तोआई, जम्मू च अंतरराश्ट्री बन्ने कश तकरीबन 12 करोड़ रपे मुल्ल दी कोई 2 किलो हेरोइन बरामद कीती गई ऐ। पुलस मुजब नशीले पदार्थ दी एहू खेप पाकिस्तानी ड्रोन राएं सुट्टी गई ही। स्हाडे संवाददाता नै जानकारी दिती ऐ जे बुधवारें चिरें रातीं बिश्वाह इलाके दे बहादुरपुरा ग्रांऽ च जम्मू-कश्मीर पुलस ते बी.एस.एफ आसेआ चलाए गेदे सांझे तपाशी अभियान दरान एहू बरामदगी कीती गई। हेरोइन रस्सी ते हुक कन्नै बज्जे दे बैग च लब्बी। एन.डी.पी.एस अधिनियम तैहत मामला दर्ज करी लैता गेआ ऐ ते अगड़ी जांच जारी ऐ।

<><><><><><>

## Jumat Ul Vida

जुमत-उल-विदा दा पर्व अज्ज समूलचे जम्मू-कश्मीर च धार्मिक जोश ते आस्था दे कन्नै मनाया जा'रदा ऐ। सरकारै अज्ज प्रदेश च जुमत उल विदा दी छुट्टी दा ऐलान कीता ऐ जेह्डी पैहले अज्ज 13 मार्च दे बजाय 20 मार्च गी मनाई जानी ही। लेफ्टिनेंट गवर्नर मनोज सिन्हा, मुख्मन्त्री उमर अब्दुल्ला, उपमुख्मन्त्री सुरिंद्र चौधरी ते होरनें कैबिनेट मंत्रिएं बी लोकें गी इस पर्व दी मुबारकवाद दिती ऐ। अपने बधाई संदेश च उनें सबनें लेई शंति ते खुशहाली दी कामना कीती ऐ। उनें रमजान दे पवित्तर म्हीने दे अखीरले शुक्रवार यानि जुमत उल विदा दे अध्यात्मिक महत्व उप्पर लोऽ पांदे होई लोकें गी गुजारश कीती ऐ जे ओहू समाज च सद्भाव लेई प्रार्थना करन।

<><><><><><>

## Para-Athletics

सुमित अंतिल होरें कल नमीं दिल्ली च विश्व पैरा एथलेटिक्स ग्रैंड प्री 2026 च मर्दे दे नेजा सुट्टने आहले मुकाबले च सुन्ने दा तगमा हासल कीता ऐ। उनें 69.2-5 मीटर नेजा सुट्टेआ।

पुष्पेंद्र सिंह होंरे 56 अशारिया 9-1 मीटर नेजा सुट्टिए चांदी दा तगमा ते इस्सै मुकाबले च पूनम राम नै 49 अशारिया 4-8 मीटर श्रो कन्नै केंऽ दा तगमा हासल कीता।

<><><><><><>

## FIH

हैदराबाद च चला'रदे क्वालीफाइंग प्रतियोगिता दे सेमीफाइनल च पुज्जिए भारत नै औंद एफ.आई.एच हॉकी महिला विश्व कप 2026 च अपनी थाह पक्की करी लैती ऐ। नियमें मूजब एफ.आई.एच महिला हॉकी विश्व कप क्वालिफायर 2026 दे 2 टूर्नामेंट आयोजित कीते जा' रदे ना। इक हैदराबाद च ते दुआ चिली च। इनें दौनें क्वालिफायर राएं कुल 7 टीमां औंदी महिला हॉकी विश्व कप लेई चुनियां जाडन।

<><><><><><>

## Swiss-Open

बेसल च स्विस ओपन बैडमिंटन प्रतियोगिता च मर्दे दे सिंगल्स च कल भारत दे किरण जार्ज गी दुए दौर च हार दा सामना करना पेआं चीन दे जेसन गुनावन नै उ'नेंगी शिकस्त दिती। तोआई, सात्विकसाईराज रंकीरेड्डी ते चिराग शेटी नै शानदार प्रदर्शन करदे होई मर्दे दे डबल्स दे क्वार्टरफाइनल च थाह बनाई। भारती जोड़ी नै जपान दे हिरोकी ओकामुरा ते क्योहेई यामाशिता दी जोड़ी गी हराया। हुन उंदा मुकाबला डेनमार्क दे किश्चियन फास्ट कजेर ते रासमस कजेर दी जोड़ी कन्नै होंगं मिक्सड डब्ल्स च चीन दी जोड़ी जे गाओ ते एम.वू नै भारती जोड़ी ध्रुव कपिला ते तनीशा क्रास्टो गी शिकस्त दिती।

<><><><><><>